


**BOSNA I HERCEGOVINA  
FEDERACIJA BOSNE I HERCEGOVINE  
URED ZA REVIZIJU INSTITUCIJA U FBIH  
SARAJEVO**



Ložionička 3, 71000 Sarajevo, Tel: ++ 387 (0) 33 723 550, Fax: 716 400, www.saifbih.ba, e-mail: [urrevfed@bih.net.ba](mailto:urrevfed@bih.net.ba), saifbih@saifbih.ba

**Broj: 09 – 49-461-1/16  
Sarajevo, 22.03.2016.godine**

Na osnovu člana 69. stav (2) tačke d) i e), člana 70. stav (1), (4) i (6) Zakona o javnim nabavkama ("Službeni glasnik BiH", broj: 39/14) i prijedloga Komisije za provođenje postupka nabavke putem postupka – konkurentski zahtjev za dostavu ponuda za izbor najpovoljnijeg ponuđača za nabavku kompjuterskog materijala za potrebe Ureda za reviziju institucija u Federaciji BiH, za budžetsku 2016. godinu, datog u Zapisniku sa evaluacije, generalni revizor, d o n o s i

### **O D L U K U**

#### **o poništenju postupka javne nabavke**

1. U postupku nabavke - konkurentski zahtjev za dostavu ponuda za izbor najpovoljnijeg ponuđača za nabavku kompjuterskog materijala za potrebe Ureda za reviziju institucija u Federaciji BiH, za budžetsku 2016. godinu, prihvata se prijedlog Komisije za javne nabavke od 22.03.2016. godine (prijedlog sadržan u zapisniku o pregledu i ocjeni ponuda od 22.03.2016. godine) i poništava se postupak javne nabavke kompjuterskog materijala za potrebe Ureda za reviziju institucija u Federaciji Bosne i Hercegovine, za budžetsku 2016. godinu, s obzirom da su ispunjeni uslovi iz člana 69. stav (2) tačka e) Zakona o javnim nabavkama ("Službeni glasnik BiH", broj: 39/14) – „cijene svih prihvatljivih ponuda znatno su veće od osiguranih sredstava za predmetnu nabavku.“

2. Zadužuje se Odjeljenje za pravne i opće poslove, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, i to elektronskim sredstvom, preporučenom poštom ili neposredno, te po ispunjenju zakonskih uvjeta, obnovi postupak javne nabavke za Kompjuterski materijal, u skladu sa ZJN.

### **O b r a z l o ž e n j e**

1. Postupak javne nabavke kompjuterskog materijala za potrebe Ureda za reviziju institucija u Federaciji BiH, za budžetsku 2016. godinu, pokrenut je Odlukom o pokretanju postupka javne nabavke broj: 09-49-245-2 /16 od 17.02.2016. godine. Uporedo sa objavljivanjem obavještenja o nabavci na Portalu javnih nabavki, broj obavještenja: 296-7-1-5-3-1/16, objavljeno dana 24.02.2016. godine, Ugovorni organ uputio je Zahtjev za dostavljanje ponuda na tri adrese dobavljača, i to : R&S d.o.o. Sarajevo, Godimerc d.o.o. Sarajevo i Svjetlost komerc d.d. Sarajevo. Zahtjev za preuzimanje tenderske dokumentacije dostavilo je 8(osam) dobavljača.

Postupak nabavke proveden je u skladu sa Zakonom o javnim nabavkama i podzakonskim aktima, putem konkurentskog zahtjeva za dostavljanje ponuda.

Postupak je provela Komisija imenovana Rješenjem broj: 09-49-245-3/15 od 17.02.2016. godine, koja je o istom sačinila: Zapisnik o zaprimanju ponuda od 07.03.2016. godine, Zapisnik o otvaranju ponuda od 07.03.2016. godine, Zapisnik o pregledu i ocjeni ponuda od 22.03.2016. godine i Tabelu o ocjeni ponuda koja je sastavni dio Zapisnika o pregledu i ocjeni ponuda.

U postupku predmetne javne nabavke, utvrđeno je da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila gore pomenute Zapisnike u kojima je konstantovano:

- da je ukupan broj pristiglih ponuda 3 (tri),
- da su ponude blagovremeno dostavljene,
- da nije bilo neblagovremenih ponuda,
- da su ponude podnijeli kvalificirani ponuđači,
- da je sačinjena rang lista ocijenjenih ponuda, počev od najuspješnije ka manje uspješnim
- da je ponuda ponuđača „ R&S“ najuspješnija, te da su dalje rangirane ponude po uspješnosti ponuda ponuđača „Defter“ te ponuda ponuđača „Alf-om“,
- da je ponuđač „ R&S“ u pisanoj formi obavijestio ugovorni organ da povlači svoju ponudu iz postupka predmetne nabavke i da odustaje od ugovora, dopisom od 17.03.2016. godine.
- da su cijene ponuda ponuđača „Defter“ i „Alf-om“ znatno veće od osiguranih sredstava za predmetnu nabavku.

Komisija za predmetnu nabavku je dostavila generalnom revizoru Zapisnik o ocjeni ponuda sa prijedlogom za poništenje postupka predmetne nabavke.

Slijedom svega izloženog, a primjenom člana 69. stav (2) tačke d) i e) Zakona o javnim nabavkama ("Službeni glasnik BiH", broj: 39/14), na osnovu člana 70. Zakona o javnim nabavkama, Ugovorni organ je donio odluku kao u dispozitivu.

Shodno članu 70. stav (6) Zakona o javnim nabavkama, ova Odluka se objavljuje na internet strani Ureda za reviziju istovremeno sa upućivanjem Odluke ponuđačima koji su učestvovali u postupku javne nabavke.

**Pravna pouka:** U skladu sa članom 99. i članom 101. Zakona o javnim nabavkama, protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Dostaviti:

1. ponuđačima x 3
2. Sektoru za IT
3. U spis predmeta javne nabavke
4. a/a



**GENERALNI REVIZOR**

**Dževad Nekić, dipl.oec.**